



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL

**PANELI ZGJEDHOR PËR ANKESA DHE PARASHTRESA**  
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

---

**A.nr.43/2025**

**PANELI ZGJEDHOR PËR ANKESA DHE PARASHTRESA (PZAP)**, në panelin e përbërë nga gjyqtarët: Kymete Kicaj, kryesuese, Arsim Hamzaj dhe Skender Çoçaj anëtarë, duke vendosur përkitazi me ankesën e parashtruar nga Subjekti Politik Jedinstvena Goranska Partija, me seli në Dragash, paraqitur kundër vendimit të Komisionit Qendror të Zgjedhjeve (KQZ), nr.01/85-2025, të datës 14.01.2025 për përbërjen e ekipeve të numërimit në Qendrat Komunale të Numërimit (QKN) dhe vendimi nr. 01/84-2025, i datës 14.01.2025 për përbërjen e këshillave për vendvotimet e rregullta dhe me kusht për Zgjedhjet e Përgjithshme për Kuvendin e Republikës së Kosovës, që do të mbahen më datë 09.02.2025, në seancën e panelit të mbajtur më datë 18.01.2025, mori këtë:

### **V E N D I M**

**REFUZOHET E PABAZUAR** ankesa Anr. 43/2025 e datës 16.01.2025 parashtruar nga Subjekti Politik Jedinstvena Goranska Partija, me seli në Dragash, paraqitur kundër vendimeve të Komisionit Qendror të Zgjedhjeve (KQZ), Vendimi Nr. 01/85-2025, datës 14.01.2025, për Miratimin e Përbërjes së Ekipeve të Numërimit në Qendrat Komunale të Numërimit (QKN) dhe Vendimi 01/84-2025, datë 14.01.2025, për Miratimin e Përbërjes së Këshillave të Vendvotimeve në Vendvotimet e Rregullta dhe me Kusht, për Zgjedhjet e Përgjithshme për Kuvendin e Republikës së Kosovës, që do të mbahen më datë 09.02.2025.

### **A r s y e t i m**

Me datën 16.01.2025, Jedinstvena Goranska Partija, me seli në Dragash, ka paraqitur ankesë në PZAP, në të cilin pretendohet se në procedurën e përsëritur dhe duke vepruar në bazë të vendimeve të formës së prerë (res judicata) të PZAP-it Abr.17/25, Abr.18/25, Abr.20/25, Abr.19/25 të datës 11.01.2025. dhe Abr. 26/25 e datës 13.01.2025. KQZ-ja ka nxjerrë Vendimin Nr. 01/85-2025 të KQZ-së, datë 14 janar 2025, për miratimin e përbërjes së Ekipeve

të Numërimit në Qendrat komunale të Numërimit (QKN) dhe Vendimin e KQZ-së Nr. 01/84-2025 të datës 14 janar 2025 për miratimin e përbërjes së Këshillave të Votimit në vendvotime të rregullta dhe me kusht.

Parashtruesi i ankesës thekson se Vendimi nr. 01/84-2025 i datës 14 janar 2025 për miratimin e përbërjes së këshillave të votimit në vendvotimet e rregullta dhe me kusht është në kundërshtim me nenin 77 paragrafi 3 të ligjit nr. 08/L-228, për Zgjedhjet e Përgjithshme, ku parashihet se: “Kryetarët e Këshillit të Vendvotimeve zgjidhen në mënyrë të barabartë nga katër (4) subjektet politike të certifikuara që kanë fituar numrin më të madh të votave për Kuvendin e Kosovës në zgjedhjet e fundit në atë komunë”. Ndërsa paragrafi 4 . i të njëjtit neni përcakton se: Pavarësisht nga qëndrimi paraprak i këtij neni, në rast nevoje, KQZ-ja ka kompetencë të emërojë anëtarë të KVV-së që nuk plotësojnë kërkesat, nga kynen.

Tutje, parashtruesi i ankesës mendon se Vendimi nr. 01/85-2025 i datës 14 janar 2025 për miratimin e përbërjes së ekipeve të Numërimit në Qendrat Komunale të Numërimit (QNP) është në kundërshtim të drejtpërdrejtë me dispozitat e nenit 20 të Rregullores së Zgjedhjeve 16/2024, po ashtu sipas parashtruesit të ankesës vendimet e kontestuar janë gjithashtu në kundërshtim me paragrafin 2 të nenit 3 të Rregullores Zgjedhore NR.11/2024 për Këshillat e Votimit.

Sipas parashtruesit të ankesës, vendimet e kontestuara, gjegjësisht Vendimi nr. 01/85-2025 i datës 14 janar 2025 për miratimin e përbërjes së Ekipeve të Numërimit në Qendrat Komunale të Numërimit (QKN) dhe Vendimi Nr. 01/84-2025 i datës 14 janar 2025 për miratimin e përbërjes së Këshillave Zgjedhore për vendvotimet e rregullta dhe me kusht janë në kundërshtim me vendimet përfundimtare ( res judicata ) të PZAP Anr.17/25, Anr.18/25, 20/25, Anr. 19/25 të datës 11.01.2025. dhe Anr. 26/25 e datës 13.01.2025. Për shkak se nuk kanë vepruar sipas urdhrave nga Vendimi Nr. 19/2025 PZAP i datës 13 janar 2025.

Parashtruesi i ankesës kërkon që PZAP-ja ta miratojë ankesën si të bazuar, të vërtetojë se Vendimi Nr. 01/85-2025 i datës 14 janar 2025 për miratimin e përbërjes së Ekipeve të Numërimit në Qendrat Komunale të Numërimit (QKN) është i paligjshëm dhe se është në kundërshtim me vendimet ligjërisht të detyrueshme ( res. judicata ) të PZAP-it Anr. 17/25, Anr. 18/25, Anr. 20/25, Anr. 19/25 të datës 11.01.2025. dhe Anr. 26/25 e datës 13.01.2025, që e njëjta është në kundërshtim me nenin 24 dhe 131 të Kushtetutës së Republikës së Kosovës si dhe me nenin 77 të Ligjit Nr. 08/L-228 për Zgjedhjet e Përgjithshme në Republikën e Kosovës, sipas nenit 20 të Rregullores së Zgjedhjeve nr.16/2024 Qendrat komunale të numërimit.

Të vërtetojë se Vendimi Nr. 01/84-2025 i datës 14 janar 2025 për miratimin e përbërjes së Këshillave Zgjedhore në vendvotimet e rregullta dhe me kusht është i pa ligjshëm dhe se është në kundërshtim me vendimet ligjërisht të detyrueshme ( res. judicata ) të PZAP-it Anr. 17/25,

Anr. 18/25, Anr. 20/25, Anr. 19/25 të datës 11.01.2025. dhe Anr. 26/25 e datës 13.01.2025, që e njëjta është në kundërshtim me nenet 24 dhe 31 të Kushtetutës së Republikës së Kosovës si dhe me nenin 77 të Ligjit Nr. 08/L-228 për zgjedhjet e përgjithshme në Republikën e Kosovës.

Të urdhërojë Komisionin Qendror të Zgjedhjeve që të marrë vendim për miratimin e përbërjes së Këshillave Zgjedhore në vendvotimet e rregullta dhe me kusht, me të cilin do t'i ndajë subjektit politik JGP, përveç numrit ekzistues të vendeve, së paku edhe 23 vende të tjera të kryesuesve të këshillave për numërim të rregullt dhe 70 vende për anëtarë të këshillave për numërim të rregullt në qendrat komunale për numërim të rregullt, si dhe të urdhërojë Komisionin Qendror të Zgjedhjeve që të marrë vendim për miratimin e përbërjes së Komisioneve të Votimit në vendvotimet e rregullta dhe të kushtëzuara, të cilat do t'i ndajnë së paku edhe 2 pozita të tjera të anëtarëve të komisioneve në vendvotimet me kusht për këtë subjekt politik, dhe përveç numrit ekzistues të vendeve, të urdhërojë Komisionin Qendror të Zgjedhjeve që të marrë vendim për miratimin e përbërjes së Ekipeve të Numërimit në Qendrat Komunale të Numërimit (QKP) me të cilin subjektit politik JGP do t'i ndahen së paku edhe 2 vende për anëtarë të këshillave të numërimit në Qendrat Komunale të Numërimit (QKN) në numrin ekzistues të vendeve. Si dëshmi ka paraqitur Vendimin nr. 01/85-2025, i datës 14.01.2025 për miratimin e përbërjes së Ekipeve të Numërimit në Qendrat Komunale të Numërimit (QNP) dhe Vendimi nr. 01/84-2025, i datës 14.01.2025 për përbërja e Këshillave Zgjedhore për vendvotimet e rregullta dhe me kusht.

PZAP, iu është drejtuar me kërkesë për përgjigje në Komisionin Qendror të Zgjedhjeve KQZ, me datë 16.01.2025, lidhur me ankesën A.nr.43/2025, të parashtruar nga ankuesi Jedinstvena Goranska Partija, thekson se pretendimet e palës ankuese se vendimi i KQZ-se nr.01/85-2025 të datës 14.01.2025, për Përbërjen e Ekipeve të Numërimit në QKN-së dhe vendimi i KQZ-se, nr:01/84-2025 të datës 14.01.2025, për Përbërjen e Këshillave të Vendvotimeve të Rregullta dhe me Kusht janë në Kundërshtim me nenin 24 dhe 31 të Kushtetutës së Republikës së Kosovës dhe nenin 77 të ligjit nr. 08/1-228 për Zgjedhjet e përgjithshme të Republikës së Kosovës dhe nenin 20 të Rregullores Zgjedhore Nr.16/2024 Qendrat Komunale të Numërimit, dhe duke kërkuar nga KQZ të nxjerrë vendim për miratimin e përbërjes së KVV-ve në vendvotimet e rregullta dhe me kusht dhe ti ndaj subjektit politik Jedinstvena Goranska Partija-JGP, 23 kryesues dhe 70 anëtar të KVV-ve në vendvotimet e rregullta, 2 anëtar në vendvotimet me kusht dhe 2 anëtar në ekipet e numërimit në QKN

Andaj, pretendimet e palëve ankuese janë të pa bazuara për arsyeje se KQZ gjatë ndarjes së vendeve në Këshillat e Vendvotimeve është mbështetur në nenin 3 paragrafi 1 Rregullores Zgjedhore Nr.11/2024, për Këshillat e Vendvotimeve.

Andaj, pretendimet e palëve ankuese mbi "zvogëlimin numrit e të KVV" nuk qëndrojnë për faktin se ndryshimet Ligjore dhe të akteve nënligjore tashme kanë përcaktuar qartë përbërjen dhe

funkcionet e secilit anëtar të KVV. Përqindja e votave të fituara qoftë në nivel qendror apo në nivel lokal, nuk është kriter i cili përcakton përbërjen e KVV në komunat përkatëse. I vetmi kriter ligjor që ka të bëjë është nenit 77 paragrafi 3 i Ligjit për Zgjedhjet e Përgjithshme, i cili thotë se Kryesuesit e këshillave të vendvotimeve zgjidhen në mënyrë të barabartë në mesin e katër (4) subjekteve politike të certifikuara që kanë fituar numrin më të madh të votave për Kuvendin e Kosovës gjatë zgjedhjeve të fundit në atë komunë, ku edhe në këtë rast KQZ e ka anashkaluar këtë nen në disa raste, me qëllim të përfaqësimit sa më të madh të komuniteteve jo shumicë.

Subjekti politik ankues JGP sipas vendimit nr.01/84-2025 të datës 14.01.2025, për Përbërjen e Këshillave të Vendvotimeve të Rregullta dhe me Kusht për zgjedhjet për Kuvendin e Republikës së Kosovës, që do të mbahen më 09 shkurt 2025 ka pjesëmarrje në komuna: Në vendvotimet e Rregullta: Dragash, 4 kryesues 20 anëtar dhe 2 rezerve, Prizren, 5 anëtar, dhe Mitrovice e Veriut 1 anëtar, Vendvotimet me kusht: Dragash 1 anëtar.

Subjekti politik ankues JGP sipas vendimit nr.01/85-2025 të datës 14.01.2025, për Përbërjen Ekipeve të Numërimit në QKN-së për zgjedhjet për Kuvendin e Republikës së Kosovës, që do të mbahen më 09 shkurt 2025 ka pjesëmarrje në komuna: Dragash, 1 kryesues dhe 3 anëtar.

Nga statistikën që u cekën më lartë subjekti politik JGP edhe pse nuk i është nënshtruar pragut zgjedhor, por garon vetëm për vendet e garantuar sipas Kushtetutës neni 64, par. 2 nen paragrafi 2. Është përfaqësuar në 3 komuna me kryesues dhe anëtar të KVV-ve dhe ekipeve të numërimit në QKN. Andaj, në bazë të thënies së lartcekura, konsiderojmë se ankesa e ankuesit, është e pazbazuar dhe si e tillë duhet të refuzohet.

Paneli, pas shqyrtimit të ankesës së parashtruar nga ankuesi, gjeti se:

- Ankesa është e pazbazuar.

Pretendimet e palës ankuese se Vendimi Nr.01/85-2025, i datës 14.01.2025 për Miratimin e Përbërjes së Ekipeve të Numërimit në Qendrat Komonale të Numërimit (QKN) dhe Vendimi Nr.01/84-2025, i datës 14.01.2025 i Komisionit Qendror i Zgjedhjeve për Miratimin e Përbërjes së Këshillave të Vendvotimeve në Vendvotimet e Rregullta dhe me Kusht, se vendimet e kontestuara të KQZ-së janë në kundërshtim me Ligjin për Zgjedhjet e Përgjithshme në Republikën e Kosovës, Paneli i vlerësoi si të pazbazuar për faktin se me dispozita ligjore janë përcaktuar qartë përbërjet dhe funksionet e KVV, ku shprehimisht dispozita e nenit 77 par.3 i Ligjit për Zgjedhjet e Përgjithshme, parasheh se *“Kryesuesit e këshillave të vendvotimeve zgjidhen në mënyrë të barabartë në mesin e katër (4) subjekteve politike të certifikuara që kanë fituar numrin më të madh të votave për Kuvendin e Kosovës gjatë zgjedhjeve të fundit në atë komunë”*, ndërsa paragrafi 4 i këtij neni thekson se *“pavarësisht paragrafit paraprak të këtij*

*neni, në rast se kërkohet, KQZ-ja, ka kompetenca për të emëruar sipas zgjedhjes së saj anëtarët e KVV-ve, të cilët nuk i përmbushin kushtet sipas këtij neni”.*

Palët ankuese pretendojnë se sipas vendimit nr.01/84-2025 të datës 14.01.2025, për Përbërjen e Këshillave të Vendvotimeve të Rregullta dhe me Kusht dhe vendimit nr.01/85-2025 të datës 14.01.2025, për Përbërjen e Ekipeve të Numërimit në QKN, për Zgjedhjet për Kuvendin e Republikës së Kosovës, që do të mbahen më 09 shkurt 2025, se KQZ-ja, bëri vetëm ndryshime kozmetike që nuk janë ligjore dhe nuk zbatoi nenin 77 paragrafi 3. Ligji nr. 08/L-228, për Zgjedhjet e Përgjithshme, as nuk ka zbatuar nenin 20 të Rregullores së Zgjedhjeve 16/2024, si dhe nenin 3 të Rregullës Zgjedhore për Këshillat Zgjedhore.

Pas verifikimit të provave të bashkangjitura në shkresat e lëndës dhe përgjigjes së KQZ-së, paneli vërtetoi se subjekti politik, JGP sipas vendimit nr.01/84-2025 të datës 14.01.2025, për Përbërjen e Këshillave të Vendvotimeve të Rregullta dhe me Kusht për zgjedhjet për Kuvendin e Republikës së Kosovës, që do të mbahen më 09 shkurt 2025 ka pjesëmarrje në komuna: Në vendvotimet e Rregullta: Dragash, 4 kryesues 20 anëtar dhe 2 rezerve, Prizren, 5 anëtar, dhe Mitrovicë e Veriut 1 anëtar, Vendvotimet me kusht: Dragash 1 anëtar. Ndërsa për Përbërjen Ekipeve të Numërimit në QKN-së për zgjedhjet për Kuvendin e Republikës së Kosovës, që do të mbahen më 09 shkurt 2025 ka pjesëmarrje në komuna: Dragash, 1 kryesues dhe 3 anëtar.

Paneli vlerësoi se pas rishqyrtimit të vendimit për përbërjen e KVV-ve, në Vendvotimet e rregullta dhe me kusht si dhe emërimin e ekipeve të numërimit në Qendrat Komunale të Numërimit, subjektit politik JGP përfaqësohet në komunat në të cilat merr pjesë me numrin e anëtarëve të cekur më lartë që do të thotë se pas pranimit të vendimeve të PZAP-së, të datës 13.01.2025 me të cilën çështje është kthyer në rivendosje në KQZ lidhur me vendimin me Nr. 01/30-2025 i datës 08.01.2025 dhe Nr.01/31-2025 i datës 08.01.2025, KQZ ka vepruar sipas rekomandimeve të PZAP-së, duke nxjerrë vendimin nr.01/84-2025 të datës 14.01.2025, për Përbërjen e Këshillave të Vendvotimeve të Rregullta dhe me Kusht dhe vendimin nr.01/85-2025 të datës 14.01.2025, për Përbërjen e Ekipeve të Numërimit në QKN, me të cilët ka bërë plotësimin dhe ndryshimin në përfaqësimin e subjektit politik në fjalë konform rekomandimeve të PZAP-së.

Bazuar në të lartcekurat paneli vlerëson se KQZ ka bërë shpërndarjen e KVV-ve në vendvotimet e rregullta, me kusht dhe ekipet e numërimit në QKN në bazë të kriterëve dhe kushteve të përcaktuara me ligj dhe aktet nënligjore ku ndarja është bërë duke trajtuar në mënyrë të barabartë për të gjitha subjektet politike në mënyrë që kjo përfshirje të reflektoj pjesëmarrjen e barabartë për të gjithë ata që marrin pjesë në procesin zgjedhor.

Përfundimisht paneli nga PZAP ka gjetur se KQZ-ja ka vendosur në mënyrë të drejtë dhe të barabartë për të gjitha subjektet politike, duke u bazuar në dispozitat ligjore në fuqi, si për subjektet që kanë fituar numrin më të madh të votave në zgjedhjet e fundit, e po ashtu edhe për të gjitha subjektet tjera pjesëmarrëse dhe se mbi këtë arsye të njëjtave nuk iu është bërë ndonjë padrejtësi me vendimin nr.01/84-2025 të datës 14.01.2025, për Përbërjen e Këshillave të

Vendvotimeve të Rregullta dhe me Kusht dhe vendimin nr.01/85-2025 të datës 14.01.2025, për Përbërjen e Ekipeve të Numërimit në QKN, në këtë kontekst duhet pasur parasysh edhe dispozitën ligjore nenin 77 par.4 të LZP-së e cila i jep të drejtë KQZ-së, për të emëruar anëtarë të KKV sipas zgjedhjes së saj, pa marrë parasysh numrin e votave të fituara në zgjedhjet e fundit.

Prandaj, nga arsyet e paraqitura më lart dhe në pajtim me nenin 13 paragrafi 2 të Rregullores së PZAP-it Nr.01/2024, për Procedurën e Shqyrtimit dhe Vendosijes së Ankesave, si dhe nenit 118 paragrafi 1 i Ligjit për Zgjedhjet e Përgjithshme në Republikën e Kosovës, Paneli vendosi si në dispozitiv të këtij vendimi, duke i refuzuar ankesat të pabazuara.

### **Paneli Zgjedhor për Ankesa dhe Parashtrësia**

**A.nr.43/2025, datë 18.01.2025**

**Kryesuese e Panelit**

Kymete Kicaj



**Këshilla Juridike:** Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.